



REPUBLIKA E SHQIPËRISË
KËSHILLI I LARTË GJYQËSOR

Nr. _____ Prot.

Tiranë, më _____.2025

V E N D I M

Nr. 647, datë 23.09.2025

PËR

**TRANSFERIMIN E GJYQTARIT Z. {...}
NË PROCEDURËN E LËVIZJES PARALELE, NË GJYKATËN E SHKALLËS SË
PARË TË JURIDIKSIONIT TË PËRGJITHSHËM Durrës**

Këshilli i Lartë Gjyqësor, në mbledhjen e datës 23.09.2025, pasi u njoh me materialet e çështjes dhe Relacionin mbi Projekt vendimin “Për transferimin e gjyqtarit z. {...}, në procedurën e lëvizjes paralele, në Gjykatën e Shkallës së Parë të Juridiksionit të Përgjithshëm Durrës”, përgatitur nga relatori z. Albens Tabaku, si dhe pasi shqyrtoi propozimin e Komisionit të Zhvillimit të Karrierës për miratimin e këtij projekt vendimi,

V Ë R E N

I. TË DHËNA MBI PROCEDURËN E PËRZGJEDHJES

1. Këshilli i Lartë Gjyqësor¹ me disa vendime të datës 27.02.2025, ka vendosur hapjen e disa procedurave të lëvizjeve paralele në gjykatat e shkallës së parë të juridiksionit të përgjithshëm dhe në gjykatën administrative të shkallës së parë. Ndër to, konkretisht me vendimin nr. 108, Këshilli ka vendosur hapjen e procedurës së lëvizjes paralele në Gjykatën e Shkallës së Parë të Juridiksionit të Përgjithshëm Durrës, për një pozicion të lirë, në fushën e të drejtës civile.

1.1 Afati i kandidimit për këtë procedurë të lëvizjes paralele si më lart, u përcaktua deri më datë 17.03.2025.

¹ Në vijim referuar si Këshilli

2. Brenda afatit të kandidimit për pozicionin e lirë në fushën e të drejtës civile të shpallur me vendimin e Këshillit nr. 108, datë 27.02.2025², aplikuan 16 (gjashtëmbëdhjetë) kandidatë, sipas tabelës së mëposhtme:

Nr.	Vendimi 108/2025 (Civile)
1.	{...}
2.	{...}
3.	{...}
4.	{...}
5.	{...}
6.	{...}
7.	{...}
8.	{...}
9.	{...}
10.	{...}
11.	{...}
12.	{...}
13.	{...}
14.	{...}
15.	{...}
16.	{...}

3. Për këtë pozicion në përfundim të fazës së parë të verifikimit të kriterëve ligjore, rezulton të jenë kualifikuar me vendime nga Këshilli, kandidatët: {...}, {...}; {...}; {...}; {...}; {...}; {...}; {...}; {...}; {...}; {...}; {...}; {...}; {...} dhe {...}.

4. Në përfundim të procedurës së renditjes, Këshilli me vendimin nr. 437, datë 22.07.2025 ka vendosur:

1. Miratimin e renditjes së kandidatëve në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Tiranë, për pozicionin e lirë në fushën e të drejtës civile, të shpallur me Vendimin nr. 108, datë 27.02.2025, të Këshillit të Lartë Gjyqësor, si më poshtë:

1. Znj. {...}
2. Z. {...}
3. Z. {...}
4. Z. {...}
5. Znj. {...}
6. Z. {...}
7. Znj. {...}

² Në vijim referuar si Vendimi 108/2025

8. Z. {...}
9. Z. {...}
10. Znj. {...}
11. Znj. {...}
2. Një kopje e arsyetuar e vendimit i njoftohet kandidatëve znj. {...}, z. {...}, z. {...}, z. {...}, znj. {...}, z. {...}, znj. {...}, z. {...}, z. {...}, znj. {...} dhe znj. {...}, sipas kërkesave të nenit 98, të Ligjit nr. 115/2016, “Për organet e qeverisjes së sistemit të drejtësisë”, i ndryshuar.
3. Kundër këtij vendimi mund të bëhet ankim në Gjykatën Administrative të Apelit, brenda 5 ditëve, nga dita e njoftimit të vendimit.

4.1 Vendimi i mësipërm i Këshillit nr. 437, datë 22.07.2025, rezulton t’i jetë komunikuar rregullisht të gjithë kandidatëve. Nga Zyra e Protokollit të Këshillit është konfirmuar se më datë 29.07.2025, të gjithë kandidatët kanë marrë dijeni, që vërtetohet me aktin “lajmërim marrje” të datës 29.07.2025 dhe nuk rezulton të jetë ushtruar e drejta e ankimit, nga data e njoftimit të vendimit, e cila ishte brenda 5 ditëve.

4.2 Në këto kushte vendimi i Këshillit nr. 437, datë 22.07.2025 është i formës së prerë.

5. Ndërkohë, ka rezultuar se si rrjedhojë e tërheqjes nga kandidimi të kandidatit {...}, për pozicionin e lirë në fushën e të drejtës civile, të shpallur me Vendimin 107/2025 miratuar me vendimin nr. 604, datë 16.09.2025 nga Këshilli, renditja e kandidatëve në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, për pozicionin e lirë në fushën e të drejtës civile, të shpallur me Vendimin 107/2025, të jetë si më poshtë:

1. Znj. {...}
2. Z. {...}
3. Z. {...}
4. Znj. {...}
5. Z. {...}
6. Znj. {...}
7. Z. {...}
8. Znj. {...}
9. Znj. {...}

6. Sa sipër, Këshilli me vendimin nr. 646, datë 23.09.2025 ka vendosur mbi transferimin e gjyqtares znj. {...}, në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, për pozicionin e lirë në fushën e të drejtës civile, të shpallur me Vendimin 107/2025.

7. Për rrjedhojë të vendimmarrjes së mësipërme të Këshillit, me të cilin ka vendosur mbi transferimin e gjyqtarës znj. {...} në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, renditja e kandidatëve në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, për pozicionin e lirë në fushën e të drejtës civile, të shpallur me Vendimin 108/2025 (miratuar më herët me vendimin nr. 437, datë 22.07.2025 të Këshillit), rezulton të jetë si më poshtë:

1. Z. {...}
2. Z. {...}
3. Z. {...}
4. Znj. {...}
5. Z. {...}
6. Znj. {...}
7. Z. {...}
8. Z. {...}
9. Znj. {...}
10. Znj. {...}

8. Në kuadër të përgatitjes së procedurës së transferimit, u kërkua informacion nga Gjykata e Shkallës së Parë të Juridiksionit të Përgjithshëm Lezhë, ku ushtron funksionin e gjyqtarit z. {...}, në lidhje me numrin e çështjeve gjyqësore në gjykim, çështjeve gjyqësore që ndodhen në fazë shqyrtimi në seancë gjyqësore dhe ato në fazën e konkluzioneve përfundimtare.

8.1 Në përgjigje të kërkesës, nëpërmjet komunikimit elektronik të datës 12.09.2025 dhe 15.09.2025, nga Gjykata e Shkallës së Parë të Juridiksionit të Përgjithshëm Lezhë, është përcjellë informacioni ku bëhet me dije Këshilli se, nga verifikimet e kryera deri më datën 12.09.2025, gjyqtari {...}, ka në gjykim gjithsej 126 çështje, nga të cilat 19 çështje penale janë në shqyrtim në seancë gjyqësore (10 civile/9 penale) dhe 6 çështje penale në fazën e konkluzioneve përfundimtare, ndërsa në lidhje me numrin e çështjeve penale me të pandehur nën masë sigurimi arresti dhe fazën në të cilën ndodhen, ka në gjykim gjithsej 3 çështje penale, nga të cilat 1 penale themeli (pa u çelur shqyrtimi gjyqësor), 1 çështje seance paraprake dhe 1 çështje në fazën e konkluzioneve përfundimtare.

9. Sa sipër, në respektim të parashikimeve të Vendimit të Këshillit nr. 320, datë 17.09.2020, “Për kriteret dhe procedurat e lëvizjes paralele të gjyqtarëve”, relatori i kësaj procedure përzgjedhje, përgatiti projekt vendimin “Për transferimin e gjyqtarit z. {...} në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës”, i cili pasi u miratua në mbledhje nga Komisioni i Zhvillimit të Karrierës, pas konstatimit si të plotë të dokumentacionit të administruar për kandidatin në këtë procedurë përzgjedhjeje, iu kalua për shqyrtim Mbledhjes Plenare të Këshillit.

9.1 Komisioni i Zhvillimit të Karrierës pasi shqyrtoi dhe informacionin e ardhur nga Gjykata e Shkallës së Parë të Juridiksionit të Përgjithshëm Lezhë në lidhje me numrin e çështjeve gjyqësore në gjykim nga gjyqtari që do të transferohet konkludoi se, duhet t'i propozojë Mbledhjes Plenare në kuadër të shqyrtimit të projekt vendimit të vlerësojë mbi çështjet në gjykim që ka se, duhet të ngarkohet të përfundojë të gjitha çështjet që ka në shqyrtim në Gjykatën e Shkallës së Parë të Juridiksionit të Përgjithshëm Lezhë të cilat ndodhen në fazën e konkluzioneve përfundimtare, çështjet civile që ndodhen në seancë gjyqësore dhe çështjet penale për të cilat ka filluar shqyrtimi gjyqësor, si edhe të gjitha çështjet ku është caktuar me vendim të Këshillit të Lartë Gjyqësor për gjykimin e çështjeve të veçanta, në gjykata të ndryshme nga ajo ku ushtron funksionin në mënyrë të përhershme.

II. SHQYRTIMI NGA KËSHILLI

10. Projektvendimi “Për transferimin e gjyqtarit z. {...} në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës”, u shqyrtua nga Mbledhja Plenare e Këshillit e cila vlerësoi si të plota veprimet procedurale dhe verifikuese të kryera nga relatori, ashtu sikundër edhe të dokumentacionit të administruar në funksion të procedurës së renditjes, përveç edhe korrektësinë e projektvendimit.

11. Në këto rrethana, pasur parasysh kuadrin ligjor në fuqi, ndërsa rezulton që kandidati z. {...} renditet i pari në këtë procedurë lëvizje paralele, Këshilli vlerëson së është rasti për miratimin e Projekt vendimit të propozuar nga Komisioni i Zhvillimit të Karrierës, duke e renditur atë të parin dhe për rrjedhojë ta transferojë në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, për pozicionin e lirë në fushën e të drejtës civile, të shpallur me Vendimin 108/2025, të Këshillit.

PËR KËTO ARSYE

Mbështetur në pikën 4, të nenit 135, pikën 1, të nenit 147, në shkronjën “a”, pika 1, të nenit 147/a, të Kushtetutës së Republikës së Shqipërisë; në pikën 3, të nenit 104, të Kodit të Procedurave Administrative; në shkronjën “ç”, të nenit 85 e 86 dhe nenet 97 e 98, të Ligjit nr. 115/2016, “Për organet e qeverisjes së sistemit të drejtësisë”, i ndryshuar; në pikën 7, 10 dhe 12, të nenit 43, të Ligjit nr. 96/2016, “Për statusin e gjyqtarëve dhe prokurorëve në Republikën e Shqipërisë”, i ndryshuar; si dhe në Vendimet e tij nr. 320, datë 17.09.2020, “Për kriteret dhe procedurat e lëvizjes paralele të gjyqtarëve”, nr. 437, datë 22.07.2025 “Për miratimin e renditjes së kandidatëve në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës, për pozicionin e lirë në fushën e të drejtës civile, të shpallur me Vendimin nr. 108, datë 27.02.2025, të Këshillit”, nr. 646, datë 23.09.2025 “Për transferimin e gjyqtarës znj. {...} në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës” Këshilli i Lartë Gjyqësor

V E N D O S I:

1. Transferimin e gjyqtarit z. {...} në procedurën e lëvizjes paralele në Gjykatën e Shkallës së Parë të Juridiksionit të Përgjithshëm Durrës.
2. Gjyqtari z. {...}, ngarkohet të përfundojë të gjitha çështjet që ka në shqyrtim në Gjykatën e Shkallës së Parë të Juridiksionit të Përgjithshëm Lezhë të cilat ndodhen në fazën e konkluzioneve përfundimtare, çështjet civile që ndodhen në seancë gjyqësore dhe çështjet penale për të cilat ka filluar shqyrtimi, me të pandehur që ndodhen në masat e sigurimit “arrest në burg” dhe “arrest në shtëpi”, si edhe të gjitha çështjet ku është caktuar me vendim të Këshillit të Lartë Gjyqësor për gjykimin e çështjeve të veçanta, në gjykata të ndryshme nga ajo ku ushtron funksionin në mënyrë të përhershme.
3. Efektet juridike të këtij vendimi fillojnë më datë 29.09.2025.
4. Një kopje e vendimit i njoftohet z. {...} sipas kërkesave të nenit 98, të Ligjit nr.115/2016, “Për organet e qeverisjes së sistemit të drejtësisë”, i ndryshuar, Gjykatës së Shkallës së Parë të Juridiksionit të Përgjithshëm Durrës dhe Gjykatës së Shkallës së Parë të Juridiksionit të Përgjithshëm Lezhë.

Ky vendim hyn në fuqi menjëherë dhe botohet në faqen zyrtare të Këshillit të Lartë Gjyqësor.

PËR KËSHILLIN E LARTË GJYQËSOR